

三經同卷

八七

佛說大自在天子因地經

佛說寶生陀羅尼經

佛說十號經

佛說大自在天子因地經

西天譯經三藏朝散大夫試鴻臚少卿傳法大師臣施護奉 詔譯

如是我聞一時佛在舍衛國祇樹給孤獨園
介時尊者大目軋連於其食時著衣持鉢以
精進力運大神通放無數光其光金色徧照
虛空復以神力變化其身或大或小或一或
多如火光炎往崑崙山山峯如雪其山頂內
以金銀琉璃真珠碼瑙珊瑚摩尼種種諸寶

莊嚴其地有諸宮殿一切珍寶殊妙莊嚴於
其中間有大自在宮廣二由旬高五由旬光
明照耀有六十大神恒常守護百千天女圍
遶四邊作七種妓樂於宮四方而有七殿廣
一俱盧舍各以七寶而用嚴飾復於四邊各
有浴池甘露之水清淨彌滿於其池中生白

蓮華俱母捺花如天白月金銀摩尼莊嚴其
上彼大自在天子與烏摩天后於師子座上
同座而坐彼諸天眾恒來圍遶恭敬供養其
天忽聞琴樂之聲音韻微妙聞已愛著令心
迷亂介時尊者大目軋連雖聞其樂以無畏
善根調伏其心無所愛著如妙高山出于大

海安住不動行精進妙行受一切世間眾所
供養身相端嚴威儀具足手持鉢器烏摩天
后忽然見已心生疑惑告天子言此是何人
身被法服端嚴寂靜調伏諸根威儀具足圓
光照曜如日初出安然不動如妙高山天聞
言已觀察尊者而復告言天后汝知識耶天

告荅言我昔未見今亦不知大自在天白言
此是大福德離欲佛弟子能破諸過教化眾
生與作安樂因為乞食而來至此烏摩天后
聞是語已而白天曰彼師云何具何色相有
何道德威力及未曾有法我願樂聞自在天
曰彼人之師於三無數劫求大菩提廣修福

力於其世間難作能作行檀波羅蜜施於飲食衣服卧具醫藥金銀珍寶奴婢車乘城邑聚落及大寶藏國王之位亦曾施諸婆羅門妻子男女於彼心中無其毫塵之許貪惜煩惱亦無貪愛之名又為悲愍衆生故捨頭目髓腦鼻舌身肉而無毫塵之許痛苦之想亦

八七

二

無虛假之名行真實施為求菩提大威力果具足檀波羅蜜又於三無數劫為對種種境界相故行戒波羅蜜堅守禁戒以持戒威德常得天人供養復為冤親不等違順情羞行忍辱波羅蜜以入正道調伏其心歡喜忍辱令心平等復為上中下三品衆生愍念饒益

利樂彼故行精進波羅蜜於晝夜中策勤修進復恐心意散亂妄緣退故行禪波羅蜜令心決定寂靜輕安復為出生智慧讀誦分別微妙經典行般若波羅蜜如是三無數劫行六波羅蜜求一切智智今得佛位圓滿降伏一切魔王證寂滅理色心微妙具三十二相

八十種好金色莊嚴圓光如日三界無等出輪迴難安樂解脫時大自在天說是語已烏摩天后聞復歡喜布施等行所得大果今聞可解復問於汝天自前因修行行業願賜歡喜為我略說時天自在天而後告言汝今諦聽而為汝說天后我於過去無數俱胝劫於

大牟尼佛所布施供養修福持戒熏習智慧過是已來獲自在報於八生身中得八種自在我曾生生布施持戒苦行求主宰自在欲樂解脫乃至究竟寂滅安樂亦是故布施智慧觀察一心守護修行不斷說是語已大自在天於其宮內以其金鉢滿盛百味殊妙

八七

三

香飯詣目連前至心奉上目連尊者即受鉢飯騰空欲迴大自在天具宿命智告目連曰尊者大目軋連汝今暫住諦聽我言極久遠時佛乃方出我念過去生中於此大地為其主宰能生滅世間為三界師無人等我汝聽此言一心往彼香醉山中時大目軋連運神

通力騰空而往香醉山中彼山一面有聖跡池名曰天水於此池中即便洗浴既洗浴已坐香醉山上開其金鉢其飯殊妙色香具足變成天食目連食已忽有天女奉上淨水目連受已於身五分而皆結淨坐彼山上繫意專心入定作觀思惟自在天言極久遠時佛

乃方出經於千生不能得知百千生中亦不能知經俱胝百千生中亦不能知從禪定起往摩呬印捺囉山入定思惟亦不能知復入摩呬印捺囉山王窟入定思惟亦不能知從此徧歷七十諸山禪觀思惟亦莫能知又往二十二洲寂坐思惟亦不能知目連曰彼大

自在天智慧所生言意諸小聲聞辟支佛亦非能知而乃一心告長老舍利弗尊者諦聽我於崑崙山頂見大自在天而白我言極久遠時佛乃出世我於此意終不能知汝今尊者具大智慧深鑒精微其天降雨經三年三月知其點數四大海水知其滴數四大洲人

知其心行如是大智佛子於此言意應可了知唯願慈悲略為顯示時長老舍利弗聞是語已即入禪定經百千俱胝生思惟此事而不能知

爾時長老迦葉白舍利弗曰大自在天所言之法其意甚深微妙難測若汝得其佛力

方乃了知若以自力思惟如持寸草量須彌山時大迦葉而自思惟若電影之間刹那之頃觀過去久遠之事如在掌中唯佛大智乃能知之於是大迦葉發無垢清淨之聲告大目連曰若大自在天自行儀則人間天上無人了知唯三界無等一切智智即可證知何

八七

以故謂佛世尊於百千俱胝恒河沙數世界所有過去現在一切衆生上中下品根宜心行皆悉了知如觀掌內如是名為一切智智是時長老目連連舍利弗大迦葉同詣佛所旋遶世尊五體投地一心敬禮退坐一面爾時世尊知彼心念顧示微笑時大目連

讚佛功德佛面端嚴如金蓮開慈顏適悅福相深厚牙齒齊密身體殊妙放大光明青黃赤白普照世間山川幽谷無不朗然設使百千俱胝日月團聚光明亦不能及宜清涼法味三界普霑一切衆生無不蒙益如是讚已恭敬作禮白言世尊我於一時持其鉢器往

大自在宮於彼乞食時大自在天見我持鉢如法施食而告我言極久遠時佛乃方出我於此言終不通達佛具一切智世間所有那史多俱胝恒河沙世界衆生心行差別皆悉了知如視掌內其舌廣長上覆面輪唯願牟尼爲決疑意

爾時世尊以微妙梵音告大目軋連汝今諦聽善思念之吾當爲汝分別解說彼於過去八万四千劫前彼時有佛正等正覺出現世間名功德海有一大城亦名功德海彼有婆羅門名曰寂靜有其二子一名商迦二名魯支漸次成長聰明多智俱厭生死作禮父母

八七

五

而白父言我欲入山於彼修道父母不從汝不得去復白父言須去修道如是三白即離父母入於山谷於其山間草庵而住去庵十一步外有老婆羅門修仙人之法復有一人亦相隣近而自修行忽因節日四人聚會而復相問各自愛樂所求之事魯支問老婆羅

門曰汝修何行求何果報老婆羅門曰我所修者求梵天身上千歲問隣近修行者汝修何行求何果報彼自荅云我求三界之主天上千歲商迦大仙而自告言我求天上千歲世間愛敬魯支仙人具大智慧而白彼言汝等三人所求成就得世間果報我今所求

爲彼世間有色無色二足四足多足無足上中下等輪迴衆生皆令解脫如是後時佛從天上與無數百千俱胝那庾多釋梵人天凡聖之衆隨從圍遶其佛安處金蓮之座身著紅衣面如滿月放吉祥光青黃赤白降臨大地照諸有情令心清淨彼前四人修行之者

來詣佛所時老婆羅門以白吉祥草花供養
 於佛作禮旋遶而發願言以我此善為梵世
 王五百端嚴與無數衆生施願圓滿次一仙
 人以一鐵片用供養佛復用香油塗佛足上
 而發願言以我此善得那羅延天身為三界
 主宰次商迦仙人然燈三盞施三條針至心

供養而發願言獻此三燈三針願具三眼得
 三股叉於生生中恒行施願為世間主宰得
 八自在成就欲樂心識聰利尔時魯支頭髻
 殊妙髮長赤色遂解頭髮布於道路告世尊
 言願佛慈悲踏我髮過佛之兩足於三界中
 得未曾有千輻網縵有幢印幡印金剛杵印

如是印相紋同綺畫妙善莊嚴佛遂踏過而
 發願言以我此善當得成佛救諸輪迴一切
 衆生如是四人各發願後其老婆羅門所修
 衆善獲梵王身具五頭面為三界主用吉祥
 花布施感手持天拂若次修行者所修善根
 得無邊福獲那羅延天身施鐵供養感手持

八七

六

輪寶名曰妙現能破一切脩羅第三商迦仙
 人若施三燈感面生三目施於三針感得三
 股叉若旋遶世尊得世間愛敬八種自在為
 其主宰能生滅世間第四魯支者布髮供養
 以願力故當得離欲出過三界成一切智智
 號天中天尔時世尊欲重宣此義而說頌曰

最上吉祥花	施已復旋遶	當得梵王身
稱為索訶主	五面相莊嚴	手持於天拂
施鐵獲功德	得那羅延天	手持妙現輪
能破於脩羅	然彼三盞燈	三針同供養
而感三日生	手執三股叉	魯支大仙人
布髮而供養	以此妙善因	當得成佛果

自在天憶念 過去無數劫 彼等修行因
 其後當作佛 出現於世間 聲聞不能知
 唯佛無上覺 曉了能分別
 尔時世尊告目連曰彼大自在天所生此身
 甚為希有彼從梵天下降人間時寒林中有
 餓鬼女名曰幻化彼與鬼交鬼即有娠彼即

託生在鬼腹內後乃生身面有三目身有光明其母見已怕怖而走以彼福故光照寒林時一切鬼衆是時鬼衆見光如日心生疑懼而即問曰汝是何人被即答云我是大自在天名曰自生鬼衆聞已恭敬禮拜而乃讚言勝力精進色相殊妙復有天人及彼梵天俱

八乘

七

來瞻仰天人之衆見彼梵天具其五頭內一醜惡衆懷驚恐心生熱惱告大自在天可能為我截去彼頭大自在天告大衆曰若截彼頭令我獲得殺梵天罪天衆復言如有過罪我等分受時大自在天許之言得尋即自變為大鷹身以其手爪摘去一頭是故大自在天於其手中持梵天頭一切天人婆羅門衆普徧皆知佛說是語時長老目軋連等一心聽受皆大歡喜

佛說大自在天子因地經

佛說寶生陀羅尼經

三藏法師施護奉 詔譯

曩謨引囉怛曩_合囉濕弥_合贊捺囉_合鉢囉底曼尼哆尾你焰_合帝引惹具世濕嚩_合囉引囉引惹野怛他引議哆引野引囉賀_合帝引三藐三沒馱引野怛你也_合他囉怛你

引二合囉怛你引二合囉怛曩_合吉囉尼囉怛曩

合鉢囉_合底曼膩帝囉怛曩_合三婆尼引囉

怛曩_合鉢囉_合鼻引囉怛努_合訥誡_合帝

引娑嚩引二合賀引

若有衆生於此如來陀羅尼名號受持供養彼人生生得轉輪位成就梵行具大神通獲

十種陀羅尼復值恒河沙等諸佛如來而無虛妄經俱胝劫不入輪迴路不斷菩提種不失菩提心永滅一切罪得報身如來若人持誦滿一七日是人當得天眼清淨若人耳聞恒復憶念是人決定當得菩提於過去世所作善根亦得現前若傳一人所有無間罪業